

牧

齋

初

學

集

牧齋初學集卷第二十

東山詩集三

起辛巳六月盡
十五年壬午

合歡詩四首六月七日葺城舟中作

鴛湖盡舸思悠悠谷水香車浣別愁舊事碑應
銜闕口新歡鏡欲上刀頭此時七夕移弦望他
日雙星笑女牛榜棹歌闌仍秉燭始知今夜是
同舟

其二

五葺媒雉卽鴛鴦樺燭金鑪一水香自有青天
如碧海更教銀漢作紅墻當風弱柳臨粧鏡罨

水新荷炤畫堂從此雙棲惟海燕再無消息報
王昌

其三

忘憂別館是儂家烏榜牙檣路不賒柳色濃於
九華殿鶯聲嬌傍七香車朱顏的的明朝日錦
障重重暗晚霞十丈芙蓉俱並蒂爲君開作合
昏花

其四

朱鳥先連河漢深鵲橋先爲架秋陰銀缸炤壁
還雙影絳蠟交花總一心地久天長頻致語鸞

依韻奉和二首

秋水春衫憺暮愁
船寬笑語近紅樓
多情落日依蘭櫂
無藉輕雲傍綵舟
月幌歌闌尋麈尾
風康書亂覓搔頭
五湖煙水長如此
願逐鷗夷汎急流

其二

素瑟清尊迥不愁
施樓雲物似粧樓
夫君本自期安槩
有美詩云迎汝雙安槩
賤妾寧辭學泛舟
燭下烏龍看拂枕
風前鸚鵡喚梳頭
可憐明月將三五
度曲吹簫向碧流

和高中丞平仲乘城記事詩八首

有序

崇禎辛巳闖賊破雒陽下汝郊乘勝趨汴自二月十二日至十七日并力疾攻者七晝夜高君平仲以御史巡汴乘城死守窮百道禦之乃退城幾陷者數矣天子嘉其功立命爲僉都御史巡撫河南平仲作乘城記事詩自爲之序余讀而偉之乃次韻屬和焉平仲之序曰圍城中數瀕死惟自分必死故盡力守禦不復反顧也傳曰畢萬匹夫也七戰皆獲死於牖下死不在寇羣子勉之知言哉偉哉斯言可以辨賊可以

辦天下事矣并記之以示能者

雒陽宮殿污膾腥汝郊烽煙接杳冥幸有繡衣
雄節鎮何妨銅馬遍郊垌連營殺氣傳鼙鼓列
戍軍聲語索鈴盡夜城頭拜南極爭看弧矢直
狼星

其二

膏塗肉薄踐城梯積甲真看熊耳齊漫道無功
曾使鶴縱令有技已窮鷄持來簪筆驚狐鼠磨
得靴刀瑩鷗鵝飲血登陴更長嘯儘教飛矢屬
吳犀

其三

汴京城闕倚高堅垂絕頻憂臟腑穿長技馬墻
飛霹靂短兵鼠穴接戈鋌心同石礮俱糜碎身
與金錢總棄捐痛哭南雲判血指賀蘭燕罷正
高眠

其四

大梁城是漢黃圖持重軍威竝亞夫夜戰不會
開壁壘先登誰敢呼蜚弧指撝荊豫回強虜鎖
鑰幽燕拱帝都何事至尊長側席安危時
至有人扶

其五

率土兵塵暗不開羽書旁午疾轟雷請看襄雒
新烽火還道昆明舊劫灰戰壘非熊無一老議
堂集鳳有羣才可憐七夜乘城客白髮盈顛馬
亦虺

其六

候火傳烽逼孟陬淮奸絳牒滿青鞵牛羊賤抵
將軍命蠅虱窮罕卒伍罄天上旌旗垂四野地
中鼓角殷層樓嚴城圍解爭相笑壯士還家盡
白頭

其七

捷書夕奏賞朝論節鉞傳宣日未昏
帝倚一身籌汴雒天留隻手障乾坤
彤弓故矢應誰予大纛高牙賴爾存
螳賊埽清還有事更扶八柱正崑崙

其八

巢車望處斷塵囂烏鳥聲傳寇遁宵
對酒旄頭頻自看罷棋屐齒不曾驕
瘡痍士卒連朝撫膏火軍書繼晷燒
馮仗天威須折簡赤眉青犢待君招

長干行寄南城鄭應尼是庚戌同年進士
榜下一別三十二年矣

人生忽如客行路少壯侵尋逼遲暮白頭種菜
猶昔人紫陌看花想前度就中最愛鄭南城緩
帶輕衣太瘦生七言詩句推渠帥千佛名經獨
老成連鑣未幾忽星散中外差池不相見君因
忤物坐迍邐我緣鉤黨遭塗炭懷袖消沉字幾
年長干風月總堪憐白夾風流樂府在青樓薄
倖教坊傳應尼少游長干爲名妓馬湘蘭
作白練裙雜劇至今流傳曲中卽今
天下兵塵滿年少兒郎死樞筦武陵彤弓命未

反括蒼鐵衣血新澣

武陵樞相括蒼司馬皆同勝少年生也

功名

熏灼竟如何紅粉黃沙不較多游人尚酹湘蘭墓子弟爭翻白練歌不若與君贏得在瞪目支頤看流輩且將分鹿付覆蕉莫以亡羊笑博塞吳門仙治近麻姑莫謂盱江道路紆若逢烏爪經過便還寄丹沙問訊余

贈建昌痔醫黃岐彬

衰老翻於痼疾便靈祇告戒起纏綿得車知爾非論賞館客慙余已判羊果痔木癰除物害尻與神馬得天全瘍醫本是天官屬醫國方須肘

後傳

江上聞梅中丞長公計二首

書生片紙到江濱，不信梅髯計報真。
歷落鬚眉堪作鬼，輪囷肝膽可成塵。
挽回滄海誠無計，經略中原更有人。
哭向蒼天聲淚盡，西風吹折白綸巾。

其二

勤王身自領弓刀，爲國家真薄羽毛。
嗣事闔棺留一舍，渡河升屋應三號。
謹呼死賊如聞赦，哀泣餘民欲聚逃。

公里居賊相戒莫敢犯公死麻黃不可保矣

早侍帝

晨求保定莫忘 明主正焦勞

小至日京口舟中

病色依然鏡裏霜眉閒旋喜發新黃偶逢客酒
澆長至且撥寒鑪泥盂光撫髻一燈還共炤飛
蓬兩鬢爲誰傷陽春欲復愁將盡弱線分明驗
短長

奉和

首比飛蓬鬢有霜香奩累月廢丹黃却憐鏡
裏叢殘影還對尊前燈燭光錯引舊愁停語
笑探支新喜壓悲傷微生恰似添絲線邀勒

君恩竝許長

寄榆林杜韜武總戎

不離戎馬作書蟬百戰功勞口不談黃髮老謀
秦蹇叔輕裘方略杜征南車嫌生耳還推轂劒
笑成衣自出函莫厭將壇求解脫清涼居士卽
瞿曇

韓蘄王晚年自號清涼居士韜
武少以三教逸民自命故云

冬至後京江舟中感懷八首

懔懔心口自相攻失笑禁啼夢嚙中白首老人
徒種菜紅顏小婦尚飄蓬床頭歲敘占枯樹鏡
裏天涯問朔風睡起船窻頻徙倚強瞪雙眼數

來鴻

其二

世事那堪祝網羅
流年無復感蹉跎
繡書懶看窮愁志
度曲誰傳暇豫歌
背索偶逢聊復爾
侏儒相笑不爭多
晤言好繼東門什
深柳書堂在礪阿

其三

戚戚羣鳥啄野田
遼遼一鴈唳江天
風光頗稱將殘歲
身世還如未泊船
懶養丹砂回鬢髮
閑憑青鏡記流年
百金那得封侯藥
悔讀蒙莊說

劍篇

其四

屈指先朝侍從臣
西清東觀似前身
何當試手三千牘
已作平頭六十人
櫪下可能求駿骨
爨餘誰與惜勞薪
閑披仙籍翻成笑
碧落猶誇侍帝晨

其五

人情物論總相關
何似西陵松柏閒
敢倚前期論白首
斷將末契結朱顏
緣情詞賦推團扇
慢世風懷託遠山
戀別燭花渾未熄
宵來紅淚正

欄班

其六

項城師潰哭無衣聞道松山尚被圍原野蕭條
郵騎少廟堂鎮靜羽書稀擁兵大將朱提在免
胄文臣白骨歸却喜京江波浪偃蒜山北畔看
斜暉

其七

柁樓尊酒指吳關畫角聲飄江北還月下旌旗
看鐵甕風前桴鼓憶金山餘香墜粉英雄氣刺
水殘雲倦仰閒他日靈巖訪碑版麒麟高冢共

躋板

其八

陽氣看從至下廻錯憂蚊響又成雷鳥鳶攫肉
真堪笑魑魅爭光亦可哀雲物暖應生黍律風
心老不動葭灰香車玉笛經年約爲報西山早
放梅

賀泉州孫太守得子四絕句

擁車鵲報石麟生乳哺喧傳燕喜聲太守政成
推佛國遍飛佛乳慰泉氓

地志泉爲
閩佛國

其二

浴罷蘭湯早放衙
玉牙新發刺桐花
埋羹太守清如水
湯餅偏能飽萬家

其三

忠獻堂前氣象迴
龜齡碑版應三台
泉南父老爭傳說
紫府真人又降來

韓忠獻生於州治王龜齡有碑

其四

合浦珠還未足誇
史君掌上抱靈蛇
君從嘗熟湖頭看
明月光先罩水涯

晉江縣東有嘗熟湖見歐陽詹文

半塘雪中戲成次東坡韻

千林晃耀失藏鴉
紫席迴簾擁鈿車
匝地楊枝

聯玉樹漫天柳絮攪琪花薰鑪昵枕梁王賦難
燭裁書學士家却笑詞人多白戰腰閒十韻手
頻叉

其二

方璧玄珪密又纖霜娥月姊鬪清嚴從教鏡裏
看增粉不分空中擬撒鹽鋪作瑤臺粧色界結
成玉筍炤冰簷高山歲晚偏頭白只許青松露
一尖

次韻戈三莊樂六十自壽詩兼簡李大孟
芳二君與余皆壬午

生一居集卷二十
幅巾杖屨古人餘步履頻過慰索居馬齒共看
雙雪鬢菟裘終擬一蓬廬醉鄉祇恐愁侵迸睡
國長憐夢破除勤買青春禁百歲眉閒三尺爲
君舒

其二

共是衰遲託聖朝欣看山木長春條庚寅屈
揆偕吾降甲子堯年任爾驕六十平頭詩力健
三分鼎足酒盃饒老顛風景應須惜莫歎餘生
共寂寥

辛巳除夕

風吹漏滴共蕭然
畫盡寒灰擁被眠
呢枕熏香如昨夜
小窗宿火又新年
愁心爆竹難將去
永夕缸花只自圓
悽斷鰥魚渾不寐
夢覓那得到君邊

壬午元旦雨雪讀晏元獻公壬午歲元日
雪詩次韻

九天凍雨合銀河
一夜飛霰炤玉珂
颺絮柳催幡勝早
薄花梅入剪刀多
寒威盡掃黃巾壘
殺氣平填黑水波
漫憶屯邊饒鐵甲
西園鐘鼓意如何

次前韻

玉塵侵夜斷星河，油壁車應想玉珂。
歷亂梅魂辭樹早，迷離柳眼著花多。
試粧破曉紫香粉，恨別先春翠綠波。
一曲幽蘭正相儷，薰鑪明燭奈君何。

獻歲書懷二首

香車簾閣思葱蘢，旋喜新年樂事同。
蘭葉俏將迴淑氣，柳條剛欲泛春風。
封題酒甕拈重碧，嚼累花幡護小紅。
幾樹官梅禁冷蘂，待君佳句發芳叢。

其二

香殘漏永夢依稀
網戶疏窻待汝歸
四壁圖書誰料理
滿庭蘭蕙欲芳菲
梅花曲裏催游騎
楊柳風前試夾衣
傳語雕籠好鸚鵡
莫隨啁哳羨羣飛

留惠香

並蒂俱棲宿有期
舞衣歌扇且相隨
君看陌上穠桃李
處處春深伴柳枝

代惠香答

皇鳥高飛與鳳期
差池一燕敢追隨
桃花自趁

東流水管領春風任柳枝

代惠香別

春水桃花沒定期
柳腰婀娜鎮相隨
憑將松柏青青意
珍重秋來高柳枝

別惠香

花信風來判去期
紅塵紫陌肯相隨
池邊苑外相思處
多種天桃勝柳枝

仲春十日自和合歡詩四首

綠波南浦事悠悠
天上人間盡斷愁
却扇風光生帳底
迴燈花月在床頭
平翻銀海填河漢
別

築珠宮館女牛試與鴟夷相比並五湖今日是
歸舟

其二

綺窻春柳覆鴛鴦萬線千絲總一香應有光芒
垂禁苑定無攀折到垣牆宮鶯啼處爲金屋海
燕棲來卽玉堂最是風流歌舞地石城山色接
吳昌

其三

數峯江上是郎家翰苑蓬山路豈賒立馬何人
論共載駢鸞有女喜同車飯抄雲母層層雪筆

架珊瑚段段霞宿世散花天女是可知天又遣
司花

其四

畫屏屈成綺窻深蘭氣茶香重幄陰流水解翻
筵上曲遠山偏識賦家心詩成刻燭論佳句歌
罷穿花度好音休擲丹砂成狡獪春宵容易比
黃金

春游二首

踏青車馬過清明薄靄新煙逗午晴日射天桃
含色重風和弱柳著衣輕春禽欲傍釵頭語芳

草如當展盡生每向東山看障子不知身在此
中行

其二

韶光是處著芳叢
轆轤香車輾鏡中
拂水礪如圍繡帶
石城山作畫屏風
柳因鶯淺低迷綠
花爲春深歷亂紅
璧月半輪無那好
碧桃樹下小房櫳

江上宿繆西溪從野堂故人及諸郎君置
酒感歎而作

瓦燈布翼野風吹碧血銷沉山鬼知兩字銘旌

還有日一棺窆甯尚無期丁寧語笑追筵几戌
削衣裳憶履綦老淚綆縻揮不得江天雲濕雨
如絲

送涂德公秀才戌辰州兼簡石齋館丈

霜飛風擊白虹橫終古還看馬角生仗鉞不煩
收李固舉幡已許訟陽城爲臣爲友皆成是從
死從軍總一行太息輟耕何所道炷香稽首頌
王明

題將相談兵圖爲范司馬蔡將軍作

錦州城中塵垢堞大櫓五櫓紛么麼廿載軍儲

困劒鐵四海供輸窮箭筈當宁肝食求幹濟中
朝辰告資剝剝金甌破碎絲朱提玉燭叢殘爲
青瑣水上徒占頰尾多天邊未見旄頭墮忍看
北極獨焦勞但看南箕又軒簸火燒武庫議曲
突風急中流選楫柁廟郎誰子紆籌策圖畫有
人殊破碓鷗夷舊策意匠精龍圖後身腹甲果
垂簾白晝嘗深念蔽榻紅塵正匡坐憂國何時
兩頰肥籌邊更見雙眉鎖側席有人面相向虎
頭燕頤呈決悞俯躬無乃問韜幹奮臂何當支
拉擺料理茗香亦經濟位置琴書自帖妥童子

夾侍狀蕭閒瓶花低垂意婀娜圍棋長日非等閑清嘯中宵笑侈哆羽扇綸中葛武侯緩帶輕裘祭征虜此時前箸借幕中他日戎衣拜道左眼中二老故自佳世上高人正亦夥豈無峴南共黍飯亦有衡山撥芋火指撝醜虜成沙蟲睥睨公侯類螺贏畫師畫師汝何煩再貞一人胡不可猿公石公非所希天津老人或是我

効歐陽詹翫月詩

崇禎壬午八月望我生六十一中秋少年對月不解翫長大翫月多牢愁今年端憂值多暇蕭

辰佳日心悠悠疾雷掉車天膜破急雨迎陳陽
歎收須臾捧出端正月挂我東閣昇西樓青天
無塵淨如埽綵雲頽空凝不流平沈大地作鍛
海改換人世成珠丘金波穆穆映八表天門蕩
蕩開四海林木分明羽毛恐滄江徹底魚龍憂
恰如身逢堯舜清明世燭房月殿光彩徧九州
人間喧歎競宵宴老夫歡忻搔白頭人言中秋
月節候配五行秋者金之氣月者水之精水得
金而盛月因秋更清此夜平分後金水互虧盈
一墮西巖又隔歲譬如天醉那遽醒老夫念此

意騷屑東家笑語闌南鄰歌管闕促織瞿瞿陰
蛩切切壁銜殘燈揜菱明滅倦婢鼾睡高病婦
頻呻歇蔽榻芳塵凝盈尊昔酒竭老夫傍徨屏
營不能寢獨倚闌干顧影問明月試問今夜月
穿雲便炤閣道西叶帝車中央自昏旦三能兩
兩猶比連紫宮台堦光晻藹似避月駕成延遷
招搖梗河杳相隔客星退次玄戈偏紛紛車騎
颭滿野御策賸賸王良前試問今夜月橫空已
炤三門東明堂髣髴羅宿衛騎官積卒堆沙蟲
北箕敖客狀突兀卷舌附耳紛追從東壁圖書

儼乙夜文光祕府收朦朧試問今夜月取次曾
炤天庫無天街一條直如箭旄頭罕畢淪前驅
昴明畢暗胥失色尺組奴孽應稽誅叅伐左足
陷玉井鮮卑戎狄芒角殊試問今夜月東井東
南星矗矗狼星高張弧矢曲北落師門閭外蕃
天壘翻向虛南哭蚩尤旗長彗偏指五縫旬始
光鏃鏃當陽匿影遜黃道昏夜敢與月徵逐可
憐今夜月不炤渝海水北鎮祠下燿火絕錦州
城邊血浪起胡兒角吹漢兒曲漢人骨築胡人
壘可憐今夜月不炤襄雒陽紅袖登車松漠近

白衣游鬼道路長空餘大隄繞高峴忍向銅駝
望北邙可憐今夜月還照廬江郡居巢湖水叢
賊巢金斗城中失金印教弩高臺飛鐵鏃亞夫
古墳滿妖燐可憐今夜月還照大梁城重圍未
解類月暈傳烽飛蔽徹夜明金梁橋空月如舊
獻王樂府誰人聽喝月月不行邀月月不止問
月月不應如規璣兩耳下方昏墜了不知結鄰
黃文者誰子無爲貍玃徒問月妖魔反在月宮
裏人言金蝦蟇跳梁大無賴如兔顧在腹蝕月
吐光怪又言月中桂婆娑百畝外屈曲蔭大墓

盤互作患害蛾螭清虛府二物爲芥蒂能令月
宮窄更使月光殺蝦蟇不服罪張頤哆嘴鳴呀
呀幸逃上帝誅與磔遑敢突嚮仍把沙桂樹在
丹路丁丁尋斧嘗交加繞身創癰療不得何能
庇彼癡蝦蟇仙人暫輟修月斧向我拱手長咨
嗟老桂擁腫亦何咎蝦蟇磔碎不足科君思隻
手捫天橫身蕩災祲胡不梯雲入月伸紙彈姮
娥姮娥本非天上女乃是堯時諸侯妻控絃助
羿彈九日解羽坐使陽烏微一朝竊藥奔月窟
逋逃抵死不肯歸虎齒何曾拜金母龍工却欲

師湘妃投壺調笑素女竝擲米狡獪麻姑齊嘗
儀占候良漫漶有黃枚筮果是非養成月精萬
萬古軒宮台室齊光輝姮娥姮娥爾曾不如女
媧氏鍊石會補青天闕月宮八萬四千戶朝暉
暮繕工楫楫坐倚靈輪臥圓景枝柱何曾費毫
髮爾曾不如河漢女素手札札機杼閒七襄文
章擅經緯燦爛雲錦回星躔滿調天帝欺窮相
絕漢橫索下禮錢爾曾不如須賈妾布帛裁製
勤婦功雖無巧心補龍衮亦有能手資天工彼
挹酒漿困南斗爾耽歌舞嬉月宮教成霓裳羽

水曲三千年後唐天蒙阿瞞玉環歡失日漁陽
兵起曲未終九辨九歌閔天上遺此淫樂梨園
中姮娥姮娥巨耐汝恨無八翼飛上青天訴月
府月戶沈沈璫不閱飛廉慵墜將誰與招呼月
御通我言望舒司轡袖手咋舌不敢干雇倩玉
兔銜章之帝所玉兔搗藥告我以不聞西河仙
人只有口喙長三尺不顧後見我飛章又心悸
倚樹不眠但搖手夜闌更漏急白露團團風瑟
瑟籬邊介鶴鳴砌下秋蟲泣月榭消香篆風床
卷書筵老夫不語亦不歡支頤癡向中庭立病

婦夢回笑空床笑我白癡中風狂誰家翫月無
歌版若箇中秋不舉觴虎山橋浸水精域生公
石砌琉璃場酒旗正臨天駟動歌扇恰倚月魄
涼何爲煩憂添哽咽懣懣斷夜未央秋髮紛
紛伴墜葉細雨唧唧和啼螿自從姮娥到月殿
長依金穴飛夜光但聞高歌咏水鏡阿誰彈事
騰封章章上倘蒙天一笑素娥甚汝空奔忙老
夫聽罷心惻惻低頭自問笑狂易婦言可云慎
勿聽撐腸柱肚終難釋天上素娥亦有黨人間
白叟將安適合眼猶見星煌煌入夢仍聞笑啞

啞打門未許驚周公倒枕一任東方白

壬午中秋日誦盧仝月蝕詩吟咀再四徘徊
永歎余老矣闕茸眊墮欲如仝之涕泗交下
心禱額榻有不能也歐陽詹翫月詩有好樂
無荒良士瞿瞿之思焉乃作詩一篇題曰效
歐陽詹翫月詩或曰韓退之效玉川子月蝕
詩取其似子效翫月詩取其不似仝乎詹乎
似乎不似乎世當有知之者中秋十七日謙
益書

寄劉大將軍

頭額參差出五兵衝鋒掠陣更專征泰山石礪
千行劒清濟流環萬壘營擲地漆顙供飲器漂
池血藩蘸題名篋中亦有陰符在悔挾陳編作
老生

駕鵝行聞潯山戰勝而作

駕鵝雙飛天雨霜黑雲亘天賊壘長烽煙返水
連渦水城闕襄陽竝雒陽其中獻賊尤佼佼毒
如長蛇疾于蚤潯山敗劒燐游魂棄壘孤栖走
窮鳥督師堂堂馬伏波督師貴陽馬公花馬劉親斫陣
多劉帥廷佐三年笛裏無梅落萬國霜前有鴈過捷

書到門才一瞥老夫喜失兩足驚呼病婦笑
欲噎鑪頭松醪酒新熟

黃長公七十壽歌石齋詹事之兄也

君不見清漳孤臣逮繫時轟雷掣電相奔隨北
寺紛傳葦笥籍石工待琢端禮碑又不見聖
人一朝解羅網大開虞門埽漢黨白鶴驚看華
表還金雞喜見綸竿上石公之兄隱者流蚤耽
黃卷今白頭雕龍吐鳳擅詞賦玉杯繁露傳春
秋七十長筵列孫子弟勸兄酬數千里共祝
皇恩無盡期漳海西連五溪水

送程九屏領兵入衛二首時有郎官欲上
書請余開府東海任搗勦之事故次首及
之

虜騎流聞薄紫荊頻年廟算倚徵兵綸中督陣
推君往玉帳論功在此行僕射父兄勤遠戍江
東子弟敢長征成師誓戒先徒御最喜車攻頌
不驚

其二

百萬援兵集虎貔羯奴迭死更何疑直須撒豆
堪成隊况復投醪可犒師絕轡殘雲驅韎韐扶

桑曉日候旌旗東征倘用樓船策先與東風酹
一卮

壬午除夕

蓬華依然又歲除如聞幽仄問樵漁耗磨時序
心仍在管領山林計未疎爆竹聲中傳火急椒
花頌裏解嚴初聞房病婦能憂國却對辛盤歎
羽書

牧齋初學集卷第二十

牧齋初學集卷第二十下

東山詩集

起癸未正月
盡十二月

癸未元日

江天海日自新正
宮柳春條淑氣生
花鳥房櫳看旋好
竹梧池館報初成
禁城雲護銅龍曉
閣道風迴金虎清
社叟醺錢期詛虜
擬儲昔酒賀昇平

元日雜題長句八首

青陽玉律應三元
是日朝正會禁門
北闕千官咸拜手
東除上宰獨颺言

上待元輔以
師臣之禮

甘泉烽

火通廷燎綈幾香煙覆殿樽朝罷開顏定相賀
年年虜退有殊恩

其二

長淮南北並喧阗鬼卒陰風捲地來計吏每憂
烽燧近援師長畏驛書催奴鋒却以長驅頓胡
馬疲於倒載回禽縱可知天意在藁街懸首不
須推

其三

淮海諸侯擁傳車長沙子弟近何如空傳陶侃
登壇約誰奉田疇間道書

淮撫史公唱義
勒王馳書相約投筆

儒生騰羽檄無錫顧杲秀才傳號忠檄輟畊野老奮耰鋤可
憐驕虜非勅敵狼藉游魂待埽除

其四

東略舟師島嶼紆中朝可許握兵符樓船搗穴
真奇事擊楫中流亦壯夫弓渡綠江驅濊貊鞭
投黑水駕天吳劇憐韋相無才思省壁愁看厓
海圖沈中翰上疏請余開府登萊以肄水師疏甫入而奴至事亦中格

其五

老熊當道踞津門一旅師如萬騎屯矢貫獬豸
成死狗檻收牛鹿比孤豚懸頭少吐中華氣癆

面全褫羯虜魂歲酒盈觴清不飲爲君狂喜重

開尊

吳中流聞大馮君鎮天津殪
酋子禽一牛鹿喜而志之

其六

廟廊題目片言中准擬山林著此翁

陽羨公語
所知曰虞

山正堪領
袖山林耳

客至敢論牀上下老來祇辨路西東

延登盡說沙堤好刺促寧憐閣道窮千樹梅花
書萬卷君看松下有清風

其七

此生贏得老痴頑眼底孫劉亦等閒潘岳已從
槐柳列石生寧在馬蹄間中宵不作乘車夢清

曉長舒對鏡顏
鄧尉梅花侵夜發
香車明日向西山

其八

春日春人比若耶
偏將春病卸鉛華
綠牕舊譜

薑芽字綺閣新評
王蘂花

山礬二株河東君所
板賞訂其名爲王蘂

余爲之記曉鏡十眉傳
蜀女晚簾雙燕入
盧家江南

尚喜無征艦
院落燒燈聽鼓櫓

聞人陳遜鴻節過訪別去二十年矣

嘆息吾衰甚矣
時廿年重見益淒其
未通問訊
先垂淚不識形容
但記詩亂後情懷
聽夜雨別

來踪跡看殘棋憑君卷却梁溪集共對簷花盡

一卮

鴻節以李忠定公梁溪集相贈

留鴻節

突兀相看執手時依然舊雨憶前期觀河面皺
嗟君老臨井腰懸笑我衰歷歷舊游成故鬼悠
悠昔夢在新詩客中何物留君住憑仗江梅玉
雪枝

馮二丈猶龍七十壽詩

晉人風度漢循良七十年華齒力強七子舊游
思應阮五君新詠削山王

馮爲同社長兄文閣學姚富善皆社中人

也書生演說鵝籠裏弟子傳經雁瑟旁縱酒放歌須努力鶯花春日爲君長

鄭大將軍生日

戟門瑞靄接青冥海氣營雲擁將星荷鼓光芒朝北斗握奇壁壘鎮南溟扶桑曉日懸弧矢析木長風送析鈴蕩寇滅奴須及早佇看銅柱勒新銘

魯孔孫畫竹歌

古來畫竹紛可數長慶蕭郎乃其祖

白詩丹青以來惟一

人樂天一百八十字字蕭森是竹譜畫師畫

竹如寫真肥皮厚肉非其倫能貌高流與靜士
豈是尋常點筆人吳門朱鷺好登涉華山歸來
竹滿笈倚壁揮毫每長嘯長鬣飄蕭散籜葉歸
郎昌世亦瀟灑風枝雪幹非嘗寫一莖兩莖自
點染花前酒後晴窗下朱老畫竹盈幾束粉壁
長竿森羽纛粉壁移居賃俗人卷軸叢殘散燈
燭歸郎知我愛此君便面長箋頻見分兒童竊
取友朋乞緣手散去成烟雲每言賞竹貴得意
東軒北牕饒蒨翠朱老歸郎吾眼中渭濱千畝
皆畫笥錢塘魯生字孔孫頻攜畫竹來江邨竹

溪堂中坐繙閱堂前几上爭翩翩禾髯進士題
識夥近援仲圭往與可竹家南董誠有之譬如
說食腹豈果我挂魯竹堂之端草堂五月生晝
寒輕紗幅中六尺簾竹窻盡日凭闌干孔孫爲
人皎松雪冷比霜筠直比節閒來寫竹如白雲
只可山中自怡悅我非樂天好事流一十五竿
慙見投作歌愧乏檀欒思但覺下筆風颼颼清
陰寂寂覆茆屋棋罷閒將道書讀月落庭空一
見君世閒果有千尋竹

蟲詩十二章讀嘉禾譚梁生雕蟲賦而作

并序

禾髯進士譚埽著蟲賦三十七篇援据古今極
命物理自稱原本於莊子蟲天之道及其遠祖
景昇化書而吾竊窺其指意蓋亦荀卿子請陳
侏詩之意有託而云者也元微之司馬通州賦
七蟲詩二十一章其自序以爲備璣細之形狀
而盡藥石之所宜庶亦叔敖之意傳稱禹鑄九
鼎使民入川澤山林不逢不若仁人君子之用
心古今一也余讀禾髯之賦愜然嘆息作蟲詩
十二章以詒之微之固云蛇之毒百蟲之輩亦

百而賦止於七蟲禾髯之賦蟲亦以百計而余詩止於十二蟲余之意卽微之之意亦卽禾髯之意也夫癸未三月十六日

蜘蛛

著物橫絲巧謀身長躋周螫人惟果腹送喜又當頭映日文偏著漫天網不收禁持憑鼠婦吞噬莫相尤

燈蛾

蠟炬明宵宴蘭膏炳燭房可憐爭撲觸猶欲較低昂未許因人熱那能借壁光君看焦爛客仍

得坐高堂

蟬

貂尾同文彩，綵冠用羽儀。
塗泥羞末品，鳴噪競高枝。
聒耳熒絲竹，如簧亂鼓吹。
何須誚瘖瘂，饒舌正堪嗤。

蜜蜂

清都爲觀閣，紫殿作芳叢。
不分針芒毒，偏於甜蜜中。
採花迷共主，嚼蠟賺家翁。
又講君臣禮，排衙傲僇蟲。

蛺蝶

輕薄多生種，紈風世羣。梢花矜粉在，掠蜜與蜂分。
栩栩乘宵夢，翩翩傍日曛。滕王圖畫裏，麟閣總輸君。

螢

腐草只如此，餘光能幾何。偶陪金殿坐，長向玉堦過。
祕閣然藜少，荒原結燐多。天街昏黑候，咫尺亂星河。

蒼蠅

附驥垂天表，鳴鷄聒禁中。巧能窺御筆，誤欲點屏風。
國土爲樊棘，分身作蠱蟲。可能污白壁，搖尾

翅任西東

蚊

得志昏黃夕偷生
血肉身雄豪推豹
脚醜類到浮塵下
策聊攻火中宵易
及晨蟪蛄爾何族
巢

蜚自成鄰

蛔蟻

何物蛔蟻種偏能
帝所游窟營營腑
穢籍記肺腸幽刺
探攢多口鑽營並
九頭三彭行倖近
天聽却悠悠

蟻

黨類聞羶夥功夫時術多真能傾棟宇未可薄
么麼輦重潛營塢身輕穩占窠拉邏憂大厦一
木竟如何

米蟲

宛爾能蝗黍公然學蠹魚耗應雀鼠並謀豈稻
梁疎不惜春農苦頻分尚食餘秋風黃葉候爲
爾重嗟吁

用僞吳末民謡
張吳王米蟲事

蟋蟀

王井更籌急金籠幃幄長枕函聽選將簾閣看
登塲益益成關塞輸贏一哄堂裏樊頻告急莫

惱賈平章

禾髯遣餉醉李內人開函知爲徐園李也
戲答二絕句

醉李根如仙李深青房玉葉漫追尋語兒亭畔
芳菲種西子曾將療捧心

其二

不待傾筐寫盎盆開籠一顆識徐園新詩錯比
來禽帖贏得粧臺一笑論

癸未四月吉水公總憲詣闕詒書輦下
知己及二三及門謝絕中朝寢閣啓事慨

然書懷因成長句四首

青鏡霜毛歎白紛東華塵土懶知聞餘光乍可
從人借乞火何當向子分老去始諳魚鳥性窮
來長傍鹿麋羣絕交莫笑嵇康懶卽是先生誓
墓文

其二

垂簾隱几坐昏朝引鏡攤書意象遙香序可堪
論甲剪彈文誰敢證甘蕉三眠柳解支憔悴九
錫花能破寂寥信是子公多氣力帝城無夢莫
相招

其三

四朝天放一遺民
梧下松閒岸葛巾
仕路揶揄誠有鬼
相門洒埽豈無人
雲皴北嶺山如黛
月浸西湖水似銀
東閣故人金谷友
肯將心跡信沈淪

其四

虛堂長日對空枰
擇帥流聞及外兵
上命精擇建德公以袁
悅姓名列上
王帳更番饒節鉞
金甌斷送幾書生
驪山舊匣埋荒草
譙國新書廢短檠
多謝羣公慎推舉
莫令人笑李元平

嘉禾司寇再承 召對下詢幽仄恭傳

天語流聞吳中恭賦今體十四韻以識榮

感

夕烽纏斗極昇食動嚴宸帝賚旁求急天章召
對勤 睿容紆便殿 清問及遺民當宁吁嗟

數班行省記真虛名勞物色樸學媿天人

上曰錢某

博通今古學冠天人咨嗟詢問者再四達聰明主三緘密勿臣東

除宜拱默北嚮共逡巡日月誠難蔽雲雷本自

屯孤生心自幸幽仄意空頻漫欲占連茹何關

歎積薪丹心懸魏闕白首謝平津感遇無終古

酬恩有百身 堯年多甲子 禹甸少風塵 歌罷臨
青鏡 蕭然整角巾

次韻徐叟文虹七十自壽詩四首

少日秦川見此翁 銀箏寶馬氣如虹 春風嘗發
檀槽裏 秋雨都銷羯鼓中 皂帽呼盧三白轉 航
舡醉客百分空 歌闌舞歇黃金盡 贏得童心老
尚童

其二

碁局何當看朽柯 郎當舞袖自婆娑 每臨百尺
嗟莖草 更倚千章笑蔓蘿 鼠穴啁啾因夢少 鵝

籠吐納幻人多麻姑僊送千錢酒莫惜開尊緩
緩歌

其三

荆扉晝閉突煙輕世事渾如覆舊枰薄面親知
從水冷饑腸兒女任雷鳴蚊巢蟻穴多爭鬪鴈
旅鴻賓自却迎髮白可知心并白焚香散帙有
餘清

其四

悠悠名利笑排場屈指東陵更首陽七十古稀
應小駐百年未滿莫嚴裝浮生作伴皆歡伯白

眼看人卽睡鄉無那當歌君不飲松風吹沸揀
芽湯

以二十千爲城北公稱壽侑以二銀琰
滿陌青蚨滿百年爲君取酒祝長筵麻姑笑殺
臨安姥要素方平買酒錢

次韻

銀琰雙雙介壽年更將瓜果助紅筵天孫自有
天錢使不比牽牛只欠錢

饒西蜀尹西有

長庚

二首

長庚晝隕蜀崗頭井絡星躔間斗牛盍以三號

觀季扎

余論書其尊人子求伴從延陵竊博之禮

誰從永夜問班彪

余與西有未識面

萬言書上黃扉寢

西有爲余上書七蜀相不蒙省答

字詩來青簡休

往有長句相答

死骨可憐猶踏蹬夔門

烽火接荊州

其二

濟物安民事已賒空餘一木寄天涯墓前定有
聰明樹世上應無富貴花不瞑目猶營四海未
亡魂已度三巴傷心豈合揚州死是處垂楊有
暮鴉

答嘉善夏雪子枉寄兼訂見過二首

清文麗句滿奚囊吳越才人敢雁行
初日芙蓉謝康樂月中楊柳孟襄陽
蓮花漏點清宵雨貝葉經緡靜室香
聞道孤山新結隱祇應配食水仙王

其二

汗竹溪藤卷帙紛千金敝帚漫云云
百年自笑吾攻愧後世還期予定文
閣涌諸峯山有月窻含半野水如雲
傍簷乾鵲何時噪洒埽先除蔽榻塵

中秋日得鳳督馬公書來報勦寇師期喜

而有作

衡門兩版朝慵睡
簷前鵲喜喧墜地
鵲冠將軍

來打門尺書遠
自中都至書來
尅日報師期正

是高秋誓旅時
先驅虎旅清江漢
左師還兵厚

集元戎出壽斬
馬公督花馬諸軍伏波威靈天

所付花馬軍聲
鬼神怖郢中石馬
頻流汗漢上

浮橋敢偷渡
戲賊作浮橋渡漢江浹旬風雨洗

青冥壁月今宵
出廣廷老夫洗醖
酌尊酒再拜

先占太白星

燈下看內人插瓶花戲題四絕句

水仙秋菊並幽姿
插向磁瓶三兩枝
低亞小牕燈影畔
玉人病起薄寒時

其二

淺澹疎花向背深
插來重折自沈吟
劇憐素手端相處
人與花枝兩不禁

其三

懶將沒骨貌花叢
渲染繚來惜太工
會得遠山濃淡思
數枝落墨膽瓶中

其四

幾朵寒花意自閑
一枝叢雜已爛斑
憑君欲訪

鮮花譜只在疎燈素壁間

三良詩

三良者商丘段增輝含素沂州高名衡平仲遂
安汪喬年歲星也崇禎戊辰賊陷商丘含素謝
賢良辟召率鄉人扞賊賊再攻陷之與翰林馬
剛中俱被執不屈而死辛巳春賊圍大梁平仲
以御史巡方乘城擊却之上特命以僉都撫
豫賊去圍我師于鄆歲星以秦督赴援遇賊于
襄城力戰死之是冬賊復圍大梁平仲固守經
年九月汴沈于河平仲渡河而北賊解去得請

歸里奴兵陷沂平仲夫婦罵賊死之嗚呼是三
君子者皆余及門之士余稿項黃馘視息牖下
觀其接踵死事橫身殉國有餘媿焉白樂天有
哀二良文余放之以哀三君子作哀三良詩

段賢良含素

段生湖海士矯志營儒術道心既淳泓俠氣亦
迸逸臂鷹弄丸劍亡羊視佔畢結客少年場樞
永大儒室玄纁有道聘銅墨邑宰秩折腰恥鳴
琴蒿目憂化瑟投劾謝京華襍被返蓬華汝雒
彌褻氛汴宋連狂獍奔竄咸戴頭迎降多屈膝

拊心念多壘奮袂起投筆部署及婦女饋餉聲
鐃鐃孤城我援絕悉衆賊勢壹衝梯舞崔嵬礮
石碎虜栗城陷屍撐柱巷戰血泌漈堂堂馬翰
林並馬困綆繙生得齊慨慷逼降互呵叱南雲
敢後死臧洪意同日 聖朝崇死優所司奏報
失千秋萬祀後雙廟應萃律余昔坐鈞黨訟繫
拘請室子來訪幽囚再拜慰繭疾遂請職橐餗
奮欲負斧鑕重趼赴函丈酹酒祝元吉昂藏論
節義顛顚數國恤盈朝誰負擔舉世盡巾櫛植
冠髮如竿流吻涎欲溢斯人猶在眼其言良可

質篝燈見光芒
樞衣想削戍哭罷霜
滿天詩成月東出入戶
長嘆息陰風助啾唧

汪中丞歲星

汪子循良吏斤斤飭簠簋修謹固足多
剗剗亦可倚一朝擁旄纛三秦爲賜履
雄邊當重寄豈能稱指使況復覆軍餘
兵殘將亦弛驚魂怯鼓輦敗氣蒙壁壘
賊兵下宛雒軍威捲熊耳乘勝圍鄢城
援師絕蟬蜩牽率殘傷卒長驅與角觚
賊遂拔圍來其行疾如鬼士飽如狼噬
馬騰競帆駛我師不能軍轍亂復旗靡
哀哉二萬人剖

屠盡羊豕堂堂大中丞孤身策馬箠首已離魚
劍胸猶集蝟矢嗚呼數年來盜賊易綱紀奕棋
國謀誤兒戲師律否武夫保項領文臣塗腦髓
項城傳余龍喪元襄城汪折趾甲棄戰場外馬
歸賊營裏徵兵搏泥沙催戰促刻晷但知赴期
會誰復量彼已歸元國子生免胄先軫喜三敗
誰能反一死亦可矣憶子爲郎時矯時柱頑鄙
杭論每仰屋憤盈或抵几暴革固所期與尸亦
求是哀哉殉國心耿耿歿猶視長歌聊慰藉人
生會有死不見韓城相低頭向槃水

高侍郎平仲

平仲巡兩河攬轡出西臺勅寇方燎原宛雒蕩
劫灰移師圍大梁投鞍成覆敦登陴七晝夜死

守憑崔嵬累卵我勢急中目賊焰推

流矢傷關賊目賊遂

南保汴唯女勞國功

帝念哉遂膺全豫寄旌

節煥昭回解嚴踰夏秋悉衆賊復來長湓截飛

鳥巨礮

轟鼻

殷雷潛隧穿地裂梯衝舞風顏及堞

骨相柱薰穴尸成堆負戶我告病濡褐敵未衰

是時諸道兵左次大河隈半夜朱仙鎮十萬潰

喧歷沈城聲援絕饋運角道隕擣石盡發棟陳

焦資炊骸噬指徒慟哭大臨誰告哀河伯爲解
圍洪流夜擊礪我師旣北徙賊戈亦南回優
詔許休沐寵秩旌厥能還家甫抹馬虜入沂城
隳抗辭罵凶醜並命捐匹儕吁嗟忠壯士糾纏
罹凶災賊鋒乍撞秘奴刃旋提槌自從兵興後
屠潰自相偕金柝不夜擊和門嘗晝開九攻敵
已窮三板志不垂方鎮皆斯人王略寧未恢何
當大星隕坐見長城壞我非哭其私惜此天下
才

絳雲樓上梁以詩代文八首

負戴相將結隱初
高榆深柳愜吾廬
道人舊醒邯鄲夢
居士新營履道居
百尺樓中偕臥起
三重閣上理琴書
與君無復論榮觀
燕處超然意有餘

其二

麗譙如帶抱簷楹
置嶺標峯畫不成
宰堵波呈雙馬角
招真治近一牛鳴
琴繁山應春絃響
月白香飄夜誦聲
還似玉真清切地
雲窻風戶伴君行

其三

曾樓新樹絳雲題

紫微夫人詩云乘鸞儔衾寢齊半攜絳雲故以絳雲名樓

禁扁何殊降紫泥
初日東南長自照
浮雲西北任相齊
花深網戶流鶯睡
風穩雕梁乳燕棲
一曲洞簫吹引鳳
人間唱斷午時鷄

其四

三年一笑有前期
病起渾如乍嫁時

泛舟詩云安得三年

成一笑君病起恰三年矣

風月重窺新柳眼
海山未老舊花

枝爭先石鼎搜聯句
薄怒銀燈算劫碁
見說秦樓夫婦好
乘龍騎鳳也參差

其五

絳雲樓閣勝齊牢知有真妃降王宵匏爵因緣

看墨會

紫清真妃示揚君有匏爵分味墨會定名之語

茗華名字記靈

簫

真妃名鬱嬪字靈簫並兄真誥

珠林有鳥皆同命碧樹無花

不後凋攜手雙臺攬人世

攜手雙臺亦真妃語

巫陽雲氣

自昏朝

其六

燕寢凝香坐翠微辰樓修曲啓神扉逍遙我欲
爲天老恬澹君應似月妃霞炤牙箱雙玉檢風
吹綸絮五銖衣夕陽樓外歸心處縣鼓西山觀
去落暉

其七

寶架牙籤傍綺疏
仙人信是好樓居
風飄花露頻開卷
月炤香嬰對較書
拂紙丹鉛雲母細
篝燈簾幙水精虛
昭容千載書樓在
結綺齊雲總不如

其八

駕月標霞面面新
玉簫吹徹鳳樓春
綠窻雲重浮香母
翠蠟風微守谷神
西第總成過眼夢
東山猶少畫眉人
憑闌共指塵中笑
差跌何當更一塵

癸未除夕

三年病起埽愁眉恰似如臯一笑時漸喜閨門
歡有緒劇憐海宇亂如絲昇平節物椒花在感
激心情臘酒知莫訝骰盤爭喝遣要將連擲賭
王師

甲申元日附

又記崇禎十七年千官萬國共朝天儉兒假息
潢池裏偉子魂銷槃水前天策紛紛憂帝醉賊入
長安台堦雨雨見星聯衰殘敢負蒼生望自理東
山舊管絃

牧齋初學集卷第二十下